

劍州志卷二

山川志

五子山一名五華在州西北九十里五峰銳立與瓊州之五指山相伯仲也又呼爲筆架山劍之境內諸山皆發脈於此其下有洞穴幽邃蟠屈探之不盡中有靈泉出焉禱雨輒應遇大旱三四百里外有來汲泉者

漢陽山在州城北

臥龍山在州城東其南麓有宋人讀書巖

鶴鳴山在州城東山頂有重陽亭唐刺史蔣侑建李

劍州志

卷二

山川

一

商隱爲之銘宋治平中知州張頌重修元末遭毀明正德中知州李璧重建亭側有石巖廣丈餘刻唐顏真卿所書元結中興頌此刻在永州浯溪宋紹熙中通判隆慶府事吳旴摩刻於此

天榜山在州城南與學宮對峙上有橫石如榜明知州喬鉢刻歷朝科名其上如題雁塔然今圯

琴山在州北三里狀如橫琴

孤玉山在州北二十里魏鄧艾墓在其下

漢源坡在州東三十里後唐長興初討孟知祥前鋒將王思同趙在禮自白衛嶺人頭山後過從小劍

路出漢源驛還攻劍門破之宋乾德三年王全斌
伐蜀別將史延德分兵趨來蘇小徑出劍閣南二
十里至青韁店蜀將王昭遠引兵退陳漢源坡以
拒青韁之兵青韁一作清強今名青樹子漢源坡
卽今之石洞溝

大劍山在州北七十里一名梁山峭壁中斷兩崖倚
天如劍鋒漢諸葛亮相蜀鑿石架空爲飛梁閣道
以通行旅於山之中斷處立劍門關關之絕頂有
姜維城爲伯約屯兵處

小劍山在大劍西北三十里與大劍峰巒聯亘如城

劍州志

卷二

山川

二

郭狀下有隘路俗名大釣巖小釣巖

石筍峰在大劍山東狀如筍

馬耳山在州北五十里雙峰聳立形如馬耳

把寨山在州北六十里山路極險

豹巖在州東北八十里

白人巖與豹巖相接石壁斑白遠望如人

十三峰在魚子溪東蜿蜒而下爲人頭山天雄關白
衛嶺之後脈

武侯坡在州西舊武連縣東武侯出師嘗駐息於此
鳳凰山在武侯坡東傳爲魏徵生處

跨鶴山一名駕鶴山在州西南一百五十里古普成縣東巖石有懷素草書遺刻今剝落矣

大茅山在州西二百里

小茅山與大茅山對

龍角山在州南六十里宋貢士鮮于天一墓在其下雲起山在州南九十里久晴而此山雲起必雨上有雲起觀放鶴臺爲張道陵修煉之所道陵者漢留侯八世孫初隱江西之龍虎山朝廷累召不起年六十顏如童子嘗得祕書能驅妖崇後游蜀居此山跨鶴仙去觀前有池冬夏不涸

劍州志

卷二

山川

三

金仙山在州南一百八十里上有金仙寺

青雲山在州東南三十里

木馬嶺在州東南九十里後唐長興初石敬瑭前鋒

拔劍州董璋自閬州率兵屯木馬寨卽此

清虛山在州東南一百一十里唐僕射王廷億山西汾陽人從元宗入蜀卒於劍門賜葬清虛山子孫遂家焉考通鑑綱目諸書皆無其人沿舊志存之兼山在州東南一百二十里宋學士黃裳居此因以爲號山下宅址遺墓在焉

掌天山在州東南距臨津縣故城六十里接南部縣

界晉太安元年遣都護衛博討李特特遣將李盪
自掌天山趣博博爲伏兵所圍卽此

嘉陵江在州東七十里源出鳳縣東北之嘉陵谷經
兩當縣南境又經徽州南境至八渡山與西漢水
會又經畧陽縣城西又經甯羌州西北境又經廣
元縣城西又經昭化縣城東北與白水會於桔柏
渡之上又南流百里曰江口劍之聞溪水源出五
子山經州城東折而東南注之

清水源出平武縣西摩天嶺曰清漪江東南受嘯狐
水亦曰醞醐水經青川關張壩涼水井又東之燕

劍州志

卷二

山川

四

子溪會樓子水出七叉口注之經大佛灘馬鹿壩
又西北雁門壩之水會於黃沙壩始名黃沙江又
東南受魚石洞之梭溪水又東北一水源出巾子
山經虎口塘注之又東北一水源出茶園山經下
寺場口注之又東受大小劍溪大劍溪源出漢源
驛經大劍山穿劍門而出北折爲魚子溪小劍溪
源出小釣巖經瀑布巖兩水會於小劍戍折而入
清小劍戍卽今之大倉壩又東經益昌縣故城俗
名修城壩今之昭化在晉爲益昌又東之泡麻池
龍子溪二水經鵝掌壩出奇溪口注之又東受昭

化縣北之富水俗名龍王溝又東南至鳴紅巖會
於白水二流合處涇渭判然又十里入嘉陵江
西河源出五子山一名小潼水西南流九十里經武
連驛又五十里經開封廟又西溝一水經馬迎寺
柳池溝一水經永福寺俱會於此又經普成縣故
城東又經閬中縣西境又經南部縣南境折而東
流入嘉陵江

永水源出涼山舖東南流經清涼橋唐家坪龍源寺
出永歸縣故城北流三十餘里至漩口入嘉陵江
安樂泉在州城西南龍泉澗側泉上石刻宋刺史張

劍州志

卷二

山川

五

珖隸書安樂泉三大字明巡按盧雍爲之銘

礪泉在州東南半里泉出石凹中

金龍池在梁山寺前四時不涸每夏漲時有二物長
二寸許四足黑背金腹宛然龍狀

雷神峽在梁山寺前兩巖壁立相對陰不見底每欲
雨時雷從峽底發聲